

INUIT ATAQATIGIIT

Inatsisartuni



UPA 2017/133
Nuuk, 08. maj 2017
Villy Olsvig

Naalakkersuisut 2017-ip qiteqqunnerani nungusaataangitsumik ivigartortitsinissaq pillugu misissuineramik aallartitsinissamut peqquneqarnissaannik Inatsisartut aalajangiiffigisassaattut siunnersuut. Misissuinerimi neriniarfiusartut nersutaateqarnermut ullumikkut atorneqartartut eqqannguaniittullu aallaavigineqassapput, kiisalu nungusaataangitsumik atuineq innarlinngikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliinermik imaqassalluni.

(Namminiilivinnermut, Pinngortitamut, Avatangiisinut Nunalerinermullu Naalakkersuisoq)

Inuit Ataqatigiit-niit iluarisimaarparput nungusaataangitsumik ivigartortitsinissaq pillugu misissuinerit 2017-ip qiteqqunnerani aallartinneqassammata.

Nunatsinni uumasuuteqarnerup kingunerisaanik savanik nersussuarnik aammalumi ukiuni makkunani narsaateqarnerup kingunerisaanik annertusiartuaartumik naatsitanik soorlu naatsiat roat il.il. pilersorneqaleriartuaarnerup kingunerisaanik nunagissaanerit ingerlanneqartuarnissaannut misissuinerit ingerlanneqartariaqarsorinarlutik.

Misissuiumaarnissani toqqarneqarumaartussat satellit-ikkut assilisat kiisalu paasissutissat nalunaarsukkat pioreersut il.il. tunngavigalugit ingerlanneqarniarpasipput.

Inuit Ataqatigiit-niit kaammattuutigerusunnarpoq nunaminertanik misissugassaasinnaasunik toqqartuiniarnermi atuisorpiiat nalunngisaat aamma aallaavigineqarumaartut, tassanilu kissaatiginarpoq S.P.S. Savaatillit Piginneqatigiit Suleqatigiiffiat qanimut suleqatigineqarumaarnissaa.

Taakkuussammatami annertuumik uumasuuteqarnermik narsaateqarnermillu ukiorpaalussuannngortunik annertuunik nalunngisaqarlutillu paasissutissaateqassasut.

Taamaattumik siunnersuummut tapersiilluta, sukumiinerusumik suliassanngorlugu ataatsimiitsitaliamut susassaqtartumut ingerlateqqipparput.

Qujanaq